

## FAMILY FELLOWSHIP - II

Dated: 23rd November, 2024

THEME: "YOUR FAMILY IN THE WORLD"

**MORNING SESSION**  
(11:30 AM to 01:00 PM)

Family fellowship a nih vei na nisim 23<sup>rd</sup>, November 2024 ni in neih hi a. Hiai hun ah Unaute tamkhop, ki thalawptak in ki tel thei hi. Dakchiam aging toh kiton in Programme Coordinator Unaupa James in hiai programme gelkholh sa hih tangtung thei ding a hon makaihtu leh hon pitu I Biak Pathian kiang ah kipah thu gen in leh Unaute hiai hun uap ding a paikhawm te tengteng tung ah leng kipahthu leh vaidawwna hun nei hi. Huaiban ah, Programme paiding dan, morning session, lunch leh afternoon session pai dingdan tomkim in hon pulak hi. Huaizoh in Morning session a conductor dia seh a om Unaupa Kammuanlal kiang ah hun pekhia hi.

Unaupa Kammuanlal in Morning session a tan tuan nei te simkhiakna hon nei hi:

Conductor : Unaupa Kammuanlal

Song Leader : Unaupa Sei Robert

Prayer: Unaupa Thongginlian

Speaker: Unaupa Jamson, Preacher, New Delhi

Topic : "**Lot and His Family in the World**"

Prayer: Unaupa Lamsuanmung

Zingkal hun a hon makaihtu ding te sim khiak zoh in, conductor in programme pai ding dan hon pulak in amah gen bang in programme pat ahi.

- Unaupa Sei Robert pina in mipi in Phatna Laa sak khawm ahi
- Huai zoh in Unanupa Thongginlian in mipi sik le taang in Programme zang thei leh nongkaina om lou a Biakna programme zat ahih theih na ding in I Biak Pathian kiang ah kipahthu gen na leh ngetna neih hi
- Unaupa Sei Robert makaih na mah in mipi'n Phatna Laa sa khawm nawn hi
- Phatna Laa sak zoh ahih in, thugentu Unaupa Jamson in zingkal hun a topic dia kipia, "**Lot and His Family in the World**" chih pansan in thugen na hun zang hi. Thugentu in Laisiangthou sung a Lota taangthu akipan zillai lak theih ding thu te gen hi. Hiai hun in Unaupa Jamson in Innkuan pen Pathian akipan ahih dan, Innkuan paiding dan leh Innkuan bawlina ah Pate, Nute leh Tate'n mohpuak na neih te gen in hasotna leng nei hi. Laisiangthou a Lota te inkuan akipan zillai lak theih a gen a omte:
  1. **Na thiltup (intention) hilou in na ngatna / na paina lam (direction) in a mun (destination) hon tun hi:** Nu leh Pate'n I tate etkol na ah koi ah poimawh na I pia a? Salam thilte ah hia ahihkeileh khalam thilte ah? Koilam nga ding leh koi lam a pai ding in I tate I thuhilh/ I chiil a? I kichiil na pen ah I intention sia ahikei maithei, himahleh I poimawh ngaih zawk pen in I tate koilam ah pi ahia, koilam zot pih ahia chih I etchet leh I velchian poimawh ahi. Ei Khristian ten bel Vangam lam ahi I zawt ding uh

2. **Mit a I et leh I muh te mah manpha sa ding ihi:** Lot in a thil muh te en in pai hi, huai in manthatna a tun hi. Evi leng a thil muh, a thil et ziaik in khem zoh in ana om hi. Eite leng Lota leh Evi bang a I thil et leh muh te ah khem zoh a om thei ihi. Huaiziak in bang thilte I en a, bangte ah I mit uh a tu sek a chih iki vel chian uh poimawh gige hi. I et thil te ah pilvang ni
3. **Muh theih thil, Khovel thil te in Lot mangthang sak hi:** Lot in a Inkuan te Khalam bitna ding en masa lou in salam poimawh thilte a et ziaik in apina ding gam teel hi. A inkuan leh ganta te khosak nopna ding a geel ziaik in huai in mangthang sak hi. Khovel thilte a et ziaik in Lot in a neih teng mansuah hi. Dema in Khovel a it ziaik in a manthang. Huaiziak in, Nu leh Pa ten bang I deih ua, bang te I mu ua I ngai sang ua? Salam thil te hia, Khalam thil te?

Khovel thilte a et, deih leh a muh ziaik in Lot in a inkuante leh a neih-le-lam tengteng mansuah hi. Huai mah bang in eiten leng khovel thilte ah poimoh na I piak a ahih leh mangthang ding ihi. I ngat na, I mit in a muh dia I teel thil te ah pilvang ni. Lot leh a inkuan te akipan zillai hoih lou te akipan ki bawl ni, Lot leh a inkuan pih te bang a manthang mai lou ding in thugentu in mipite nget na leh chial na bawl in thugen zou hi.

4. Thugen nuamtak ngaihkhiat khit in Unaupa Sei Robert pina in mipi'n phatna Laasak kawmna neih ahi.
5. First session zoh na ding in Unaupa Lamsuanmung in subuai thei tampite lak a hon vengtu leh hon mapi tu I Biak Pathian kiang a kipah thu genna leh annkuang tung ah vualzawlina ngetna ah hon makaih in First session zoh ahi.

Zingkal hun zoh toh kiton in Programme Coordinator Unaupa James in taksa a ding a pomawh ann nek ding dan puang khe ding in Tuanvaite khut a hun pia hi. Tuanvai ten annnek ding dan puankhiak ahih zoh in suun ann lim tak nek ahi.

### **AFTERNOON SESSION (02:30 PM to 04:30 PM)**

Sunn ann tai tak leh vah tak a nek zoh in Afternoon session pat ahi. Huia hun ah conductor, Unaupa Timothy Jangminthang in nitak hun a tan tuan nei a hon makaih ding te sim khiakna nei hi :

Conductor : Unaupa Jangminthang

Song Leader : Unaupa Mungsuan

Prayer : Unaupa Kamkhenthang

Speaker: Unaupa Jamson, Preacher, New Delhi

Topic : **“Noah and His Family in the World”**

Prayer : Unaupa Thangbiaklun

Vote of Thanks : Unaupa James

Nitaklam hun a hon makaih tu ding te sim khiak zoh in, conductor in programme pai ding dan hon pulak in amah gen bang in programme pat nawn ahi.

- Unaupa Mungsuan pina in mipi in Phatna Laa sak khawm ahi
- Phatna laasak khawm zoh in Unanupa Kamkhenthang in Programme subuai tu omlou leh lamzang tak a zat ahih theih na ding in Pathian kiang ah kipahtu genna leh ngetna ah maa hon pi hi.
- Huai zoh in Unaupa Mungsuan pina in mipi'n Phatna Laa sak khawm nawn ahi.
- Phatna Laa sakkhawm zoh in, thugentu Unaupa Jamson in nitaklam hun a topic dia kipia, “ **Noah and His Family in the World**” chih pansan in thugen na hun zang hi. Hiai hun ah thugentu in Noah in a inkuan pihte a humbit theih na ding a apan lak na te, a thuman dan te Bible a Noah taangthu akipan gen hi. Noah in Pathian deihsak na tang a, deih sak na atan na ziak leh huai a pan zillai lak thei ding te leh zuih ding thute gen hi:

1. **Noah midiktak ahihziak in deihsakna tang hi (Gen 6:09)**
2. **Noah tuh amah khang a dambei/gensiatbei ahi (Gen 6:09)**
3. **Noah in Toupa thupiak bangbang a hih/zui (Gen 6:22. 7:05)**
4. **Noah Pathian toh a tonkhawm (Gen 6:09)**
5. **Noah bel diktakna thugen pa ahi**
6. **Noah in a kiim a kiang a thil lauhuai hih sethei te athei hi**

Hiai point 6 I gen te ziak in Noah in Pathian deihsakna tang hi. Deihsakna atan te ziak in Noah in a inkuanpihte hum bit hi. Huai mah bang in eiten leng I inkuan pih te I humbit theih na ding in Noah bang in om ni chi in thugentu, Unaupa Jamson in mipite chialna bawl in a thugen zou hi.

- Thugen ngaih nop huai tak ngaih ahih zoh in Unaupa Mungsuan makiah na in mipi'n Phatna laasak khawm ahi.
- Phatna laa sak zoh ahih in nitaklam programme zoh na ding in Unaupa Thangbiaklun in Pathian kiang ah kipahtu genna leh ngetna thumna ah hon mapi in afternoon session zoh ahi.

Programme zoh in Programme coordinator, Unaupa James in Vote of Thanks genna hun saulou nei hi. Family fellowship - II hun zat na a bang mah buaina om lou a hon mapi tawntung I biak Pathian kiang ah kipahtu gen hi. Huai zoh in Morning session leh Afternoon session hun a gim leh tawl khawk sa lou a thutak hon hilh tu, Unaupa Jamson, Preacher, New Delhi tung ah leng kipahtu gen hi. Mipi paikhawm, programme buching sak tute tengteng tung a leng kipahtu gen a, huai programme hun sung a tanvou neite leh hon makaih tute tengteng tung ah leng kipahtu gen hi. Huai banah, Nu leh Pate, suun ann leh meh lim taktak hon huansak leh hon toikhawm te tengteng tung ah leng kipahtu gen hi. Hiai programme hun a nek le taak sai ding a seh a omte'n fel tak leh kilawm tak a hon sai sak ziak un amaute tung ah leng kipahtu gen hi. Programme coordinator in a hun a zat zoh in afternoon session a conductor, Unaupa Timothy tung ah hun pekia in, gen ding dang nei om non lou ahih man in Conductor in hunkhakna in mipite kiang ah “pai theih ta” chih thu puang in Family Fellowship - II zoh siang hita hi.